

La Bibia di s'cecc
presenta

La Pruma Pasqua



Scrivuda da: Edward Hughes

Illustrada da: Janie Forest
Alastair Paterson

Adatada da: Lyn Doerksen

Voltada da: Alessandro Cavalli

Produsida da: Bible for Children
www.M1914.org

©2022 Bible for Children, Inc.

Licenza: l'è consentida la stampa e la reproduzion di test;
interdida la vendita.

1

La fomna la se troeuvava in
su la scarpada rumorosa,
i so oeugg trist i
vardaven ona scena
terribela. El so fioeu
l'era in sul punt de
moeurì. La mader
a l'era la Maria, e
lee la s'è fermada
arent al sit in
dova el Gesù a
l'era inciodad
in su ona
cros.



2

Coma l'è sucedud tut quest? Coma l'è che l'ha poeudud el Gesù finì ona vita insci bella in d'ona manera insci terribela? Coma el poeudeva Dee permèter che el So Fioeul el vegniva inciodad in su ona cros per moeurì? Gesù l'ha fad on error? Dee l'ha fallid?




3

No! Dee l'ha mià fallid. El Gesù l'ha fad nissun error. El Gesù el saveva che el sariss sta mètud a mort da om malègn. Anca quand che el Gesù l'era on s'cet, on om vegg de nom Simeon el gh'ha did a la Maria che di di trist i eren adree a speciall.



4

On quai de di pruma che el Gesù l'è stad copad, ona fomna la gh'e vegnuda e la gh'ha versad on parfum ai so pè. "L'è adree a trasà i danee" i s'inn lamentacc i discepoi. "L'ha fad on bon lavor", l'ha did el Gesù. "L'ha fad per la mea sepoldura." Che parolle strambe!



5

Despoeu quest, el Sgiuda, vun di dodes discepoi del Gesù, l'ha cospirad in sul tradiment del Gesù cont i som sacerdocc per 30 toch d'arsgent.



6

A la festa de la Pasqua sgiudea, el Gesù el gh'ha havud el so ultem past cont i so discepoi. El gh'ha cuntad su di robe maravejose de Dee e i soe impromètude a quej che l'amen. Poo el Gesù el gh'ha dad el pan e on caliz da partasgià. Per regoerdagh che el corp del Gesù e el so sangh inn stacc dacc per menà el perdon di pecacc.



7

Despoeu che el Gesù el gh'ha did ai so amis che el sariss stad tradid e che i sarissen scapacc. "Mi voltaroo no via", l'ha insistid el Peder. "Pruma che el gall el canta, te me renegaret trè voulte," el gh'ha did el Gesù.




8

Pussee tard quella nocc li, el Gesù l'è andad a pregà in del sgiardin del Getsami. I discepoi che i eren cont Lu i s'inn indormentacc. "Pader me," l'ha pregad el Gesù, "...Quest caliz chi che el passa da mi, però che el sia fad el to voeurè, mià el me".



9

De stich ona folla la s'è mètuda a marscià in del sgiardin, guidada dal Sgiuda. El Gesù el gh'ha fad nissuna resistenza, nepunemanch el Peder l'ha tajad l'oregg a on om. In d'ona manera tranquila Gesù l'ha tocad l'oregg de l'om e l'ha trad foeura. El Gesù el saveva che el so arrest a l'era part del voeurè de Dee.



10

La folla l'ha menad el Gesù in de la ca del som sacerdot. Li, el cap di sgiudee l'ha did che el Gesù el gh'haveva de moeuri. De la aproeuv, el Peder a l'era atach al foeugh menter el vardava. Per trè voeulte i persone hann fissad el Peder e i gh'hann did, "Ti te seret insem a Gesù!" E per trè voeulte el Peder l'ha negad, del franch coma el Gesù el gh'haveva did. Peder l'è anca ruvad al punt de sgiurall.



11


Chicchirichi

Proeupi alora el gall l'ha cantad. La pareva la vos de Dee per el Peder. El Peder a quell punt li el s'è regoeurdad i parolle del Gesù e el s'è mètud a lucià in d'ona manera amara.




12

Anca el Sgiuda l'era despiasud. El saveva che el Gesù l'era colpevol de nissun peccad o crimen. El Sgiuda l'ha dezidud de trà indree i toch d'arsgent ma i sacerdocc i hann refusacc.




13

El Sgiuda l'ha trad sgiò i danee a terra, l'è sortid e el s'è impicad.




14

I sacerdocc hann menad el Gesù inanz al Pilat, el governador Roman. El Pilat l'ha did, "Gh'hoo troeuvad nissuna colpa in quest om chi." Ma la folla l'ha segutad a vosà, "Mètel in cros, mètel in cros!"



15

Finalment el Pilat l'ha cedud e l'ha sentenziad che el Gesù el gh'haveva de moeuri in su la cros. I soldacc i hann colpìd el Gesù, i gh'hann spudad in fascia e i l'hann frustad. I gh'hann fad per lu ona corona de spine longhe tajente e l'hann mètuda in sul so coo. Despoeu an'mò l'hann inciodad in su ona cros de legn.



16

El Gesù el saveva che el sariss moeurud in quella manera li. Lu el saveva anca che la Soa mort l'hariss menad el perdon per i peccador per quej che i gh'hann fidanza in Lu. Du criminai inn stacc mètud in cros atach al Gesù. Vun l'ha credud al Gesù e l'è andad in Paradis. L'olter el gh'ha mià credud.



17

Despoeu ore de soeufrenze, el Gesù l'ha did: "L'è fada" e l'è moeurud. El So lavor a l'era termenad. I amis l'hann sotrad in d'ona tomba privada.



18

Alora i soldacc roman i hann sigelad la tomba e i s'inn mètud a fagh da vardia. Dess nissun el ghe poeudeva vegnì denter o vegnì foeura.



19

Se questa chi la sariss stada la fin de la storia, coma el sariss stad trist! Nepunemanch Dee l'ha fad vergot de maravejos. Gesù l'è mià restad in de la tomba!



20

La matena prest, el prum di de la semana, on quai de discepoi del Gesù i hann troevad el ploch del sepolcher roeudolad. Quand che i gh'hann vardad denter el Gesù el gh'era pu li.



21

Ona fomna la luciava denacc la tomba. El Gesù el gh'è vegnud voltra! Lee l'è andata cont gioia a dighel ai olter discepoi. "EL GESU' L'E' VIV! L'E' RESORSGIUD!"



22

La Pruma Pasqua

vuna storia da la Parolla de Dee, la Bibia

Se troeuva in

Mattee 26 - 28, Luca 22-24,
Gioan 13-21

"L'access a Parolla la ghe da luz."
Salmo 119:130

El Gesù l'è andad prest dai discepoi e el gh'ha fad vidè i So magn busade dai ciud. L'era vera. EL GESU' L'ERA VIV! L'ha donca perdonad el Peder per havegh renegad lu e el gh'ha did ai discepoi de cuntà su tusscoss a tucc in su de Lu. Despoeu l'è tornad in scel d'in dova l'era vegnud el prum Nedal.

23

24

Fin

Ol Signoi al sa c'am fem robi sbagliai, che Lu al ciamo pecad. A conseguenza d'ol pecad l'è la morti.

Ol Signoi al ma ama insci tanto che l'ha mandad ol so fioeul Gesù a mui su ona croci a pagà per ol nostro pecad. Gesù l'è resuscitad e l'è andeid in Scell! Mò ol Signoi al podi perdonà i nostar pecai.

Sa te voeui abandonà i to pecai, parla con ol Signoi e dighi: Caro Signoi, men a credo che Gesù l'è morto par men e che mò al vivi. Ta prego da igni in daa me vita e da perdonà i me pecai insci a podo comincià ona vita noeva e passà ol resto da a eternità insema a Ti. Otami a vivi par Ti compagn on to fioeul. Gioan 3:16

Legi a Bibbia e parla cont ol Signoi tuti i dì!

26